

名媛詩話

名媛詩話續集

錢塘沈善寶湘佩著

賸霞女武友愉校

詩人嗜好有不可解者當今海內閨秀詩集甚衆而
陳慕青獨推許潘虛白潘虛白人不櫛吟王澹音環青閣
詩鈔及余鴻雪樓詩詩來近作烟蘿仙館卽事十
詠評詩云手追心慕環青閣夢想神勞鴻雪樓更有
好詞吟不櫛茫茫大地總無傳懷人云篇篇風雅耐
哦吟綠淺綠深契性靈我欲繪圖循故事拜潘揖沈
哭環青

原注近時名媛惟潘虛白沈湘佩王澹音爲
最余至津門瞻音已下世丙午春入都得交

名媛詩話

卷一

湘佩而事多阻於
潘虛白卒未晤出都留別六奴憚蘭生并示從子

從女云難得相逢又別筵離堂情話倍纏綿能求冰

鯉憐兒孝
從女錫蕙錫璫不衣蘆花賴母賢六法未

工悲指授五車勤讀望騰騫嫦娥無賴將人妬月落

參橫欲曙天深情雅韻溢於楮墨

善化桂秋芳孫芝房侍讀冊臣璇舟主政顧臣母工

詩文余見其題宗壽香江上望雲圖四絕錄二云北

望燕雲隱夕暉單車千里觀庭幃誰知風雨秋來惡

不盡啼鳥繞樹飛幾年蘭杜住瀟湘忽漫相逢在帝

鄉語舊因君轉惆悵水雲無際楚天長蓋亦深於情者

慕青小詞亦有佳致如寄司蘭六姊菩薩蠻云池塘春草如絲碧同懷千里關山隔何處是維揚眉頭暗鎖長迢迢雙鯉集慰我時相憶江上采芙蓉秋來明月

月中楚北余淑蘋恭人爲陳秋門給諫室仙九女史母也余丁酉入都卽勞過訪慈和謙謹頗相契洽仙九歿後悲不自勝終年卧病相知者百計勸慰終莫能釋

丙午春給諫假歸攜眷回里余往送之潛然出涕丁
未春得手書文情悽惋讀之悵惘累日書云十年連
襪良快心期一旦分襟曷勝悽戀流光如駛倏屆三
冬遙維履祉雲蒸文心霞映臨風引睇定愜頌忱姊
出都後因小郎不耐輪蹄之瘁中途改赴清江買舟
南返行遮靡靡中心搖搖遲至五月中旬始抵里舍
大小托托平安深慰尊嫜倚間之望惟憶戊子春間
隨夫子攜小女由水路入都每過名勝之區輒同徘徊
瞻眺曾日月之幾何吾女已爲異物傷心一江水

同渡不同歸言念及此能不悲歟抵舍以後更難爲
懷見兒曹之幼者則憶吾女幼時見兒曹之長者則
憶吾女長時明知悲傷無益而癡情不能自已湘佩
湘佩謂之何哉夫子出山現未能定天南地北把晤
何時每當馳念之時輒取惠書扇畫幅流連展玩恍
然如見故人也久思箋候而久客初歸翻如作客家
具既須摒擋親串又需應接兼以情懷悵觸握筆輒
不成書遲滯至今勉勑奉佈所望諒其區區耳

鷺湖陳靜宜詩已錄於前卷今又寄題名媛詩話大

江東去一闕云鴻荒初闢女媧氏曾把乾坤手補靈
氣常鍾閨閣內三百篇多婦女風絮聯吟璇璣織字
千載咸推許卽看近代詩人更難僕數之予才調無
雙賢名第一是吟壇宗主大集刊成詩話繼舌底青
蓮紛吐剪腋爲裴釀花作蜜慧業超千古軍開娘子
請看何等旗鼓譽雖過情而詞頗雄邁又題馮雪樓
詩稿四章云孝親費盡賣文錢營到松楸力更殫百
行俱完三絕備閨中人傑似君難觥觥大集許披尋
彷彿成連海上琴超絕胸襟清絕調風前一讀一傾

心自憑禿管寫離憂矜寵多君意獨優絕勝梅花空
谷裡無人把酒慰深幽尺素傳心一載餘那堪同調
尙離居他年丹鳳城南路容我長停問字車

宗壽香寄其姑周情馥太孺人芬詩稿來囑爲摘錄

天河云河漢長空見風清月朗秋填橋惟待鵲過渡
獨牽牛應憚天孫錦堪乘帝子舟一泓千萬里星海
記通流西瓜云綠浮推上品素葉結龍肝種想青門
美人宜朱夏餐鎮心炎可避沁齒波生爽莫辨環中
色金刀剖處看頗似初唐神韻太孺人持躬儉約夙

著賢聲爲山陰王珠巢大令

庚華

母周蘭坡學士

長

發

曾孫女扶壽大令

雲翮

女大令官江左有循聲蘭

坡學士則由鴻博重入詞垣爲內廷師傅名重一時

張孟緄於乙巳冬初同令弟仲遠大令赴武昌丙午

寄詩一冊來邯鄲題壁云幻緣顛倒總由心夢境榮

枯各自尋我已觀空無一物等閒小睡亦沈沈自江

夏舟至武昌云思思晴川隔漢陽蒼茫烟樹半垂楊

沉陰一月得新霽來看江天萬里長久不得家信寄

兒婦憚琴瑟云深宵成獨坐短燭照無眠兒女燈前

話江山客裡緣別經旬十二愁逐路三千目斷征鴻
影誰將尺素傳豐兒應憶我開子更憐渠識字從爺
好思親有夢無全家勞遠望兩地盼黔書藉博椿庭
樂羣衣一笑餘除夕云轆轤心初定匆匆歲又除鄉
書傳惡耗風雪慘荒廬原注妹婿孫叔客病欣差減
余懷卒未舒艱難嗟薄宦且食武昌魚抵武昌署卧
病口占示仲遠云小病纏綿久三春倏又過經山空
勝跡歌詠惜蹉跎花事雨中考嵐光戶外多訟庭殊
未靜折獄意如何詩境清老舒卷自如而寄余七古

一篇沉鬱頓挫尤稱傑構詩云明聖湖頭靈秀窟湖
水爲神山作骨更光老去豔色空收入簪花一枝筆
天生彩筆無人敵夢裡春風萬花發忽攜硯匣來長
安輦下喧傳班左出鈿車訪我宣武門我病經月逃
詩魂揮毫賦詩不加點却病如飲醕醪溫錦繡春明
盛羅綺聯袂星娥邀月姊看花紫陌豔紅塵顧曲瓊
筵悖綠蟻倚馬羣誇侁儻才傾城不羨嬋娟子我居
閨寂性苦拘落落閉戶知交疏多君相見不相忤襟
抱披豁心神愉蕭蕭竹樹茶烟徐傾談終日忘飢飴

君辭灑落我則迂我語懇直君能俞飄風烈烈感何
極漆室杳杳悲難據簷花如雨淚橫逆往往相對成
嗟吁容臺郎官典三禮夢兆曾占離合體舉案欣聯
鸞雁歡哺雛爭頌鴈鳩美辛苦襟纓盟漱餘怡聲柔
色樂君姑清才畢竟微茹行浮藻甯能永令譽中饋
尤難兼著述一代詩篇勤論列彤管新標月旦評玉
臺已就名山業媿我陳篇插架看半生心力漸凋殘
三千環珮精誠合萬卷丹鉛決擇難原注拙著國朝列女詩錄約
三千餘家尙綠樹沉沉棘華館原注武昌署齋舍弟仲遠所名余姊妹讀
未能編定也

書處也

公鳳雛皇嘯玉琯

原注舍姪女舍甥女輩均工詩畫

對此差地

旅思寬賡酬益覺吾才短清絕江山繞縣門後堂金石訟庭聞解圍惜少青綾幘弄筆都揮白練裙苦憶涼風起天末楚天浩蕩烟波闊雁足空傳惜別詩鸞飛莫趁淩風翼安得仙雲招手來渡江五馬絳幘開謝庭衆女趨函丈玉尺量他絕代才詩幅爲王澗香女公子隸書古雅可愛真雙絕也

偶於載戢秋

月采

年似扇頭見畫芙蓉一枝題句云

芙蓉萬朵錦城披木末寒來憶少時今寫一枝圖畫

裡知君亦動故鄉思詩畫皆娟淨款識劉玫詢知爲
主政喬鶴儕松年室叔采作叔采大興人劉寬夫太
守位坦女嘗侍祖宦於蜀故首句及之余人都後題
承叔采尊慈沈恭人推許而不知叔采姊妹皆工詩
畫也叔采姊仲咳詩筆超妙深自韜晦爲吾鄉吳竹
言學士福年室義秋爲主政伍翰屏輔祥室四川人
鶴儕翰屏兩主政皆與外子同譜

龔瑟君詩前卷已錄今翻笥篋見其九九消寒吟甚
爲俊爽亟錄之詩云一九霜花點畫檐摧殘萬木北

風嚴拈針十指寒於剪漫道工夫一線添二九嚴寒
作意陰凍雲如墨晝沉沉釀成一夜廉纖雨孤負騷
人白雪吟三九花飛六出新江山如畫盡妝銀紅樓
仕女熏香坐愁殺牽蘿補屋人四九霜風日夜狂蘭
缸無焰月昏黃一聲遠送悲笳動思婦樓頭盡斷腸
五九流光似擲梭南枝消息近如何侍兒笑指雲屏
上染到梅圖一半多六九陽和萬象更梅開東閣動
詩情花前不惜千回醉惟願年豐藥大平七九迎年
凍已蘇椒花獻歲換桃符松盆火活茶烟碧斝彩飛

紅興不孤入九燒燈日漸長陌頭凝望柳絲黃林鳩
喚雨聲聲急多少人家農事忙九九消寒報早春故
鄉風景夢來頻玉梅香透孤山路應有重遊憶遠人
詠醃菜和韻云慣將寒齋佐持杯也共嘉羞引玉甕
雅愛嘗菰臨歲晚何須剪韭待春來酸醃藜藿儒家
味清比鹽梅宰相材百寶是誰藏獨富庭堅食籍好
披開

昭文江閩仙

散則

樹叔孝廉女著有獨清閣詩草年

纔及笄詩已成帙且無脂粉氣春日閒居云攤書還

默坐花雨亂衝簾新綠朝來足殘紅望裡添畫圖珍
墨筆詩本厭香奩鐵篴一聲起虛空萬響兼夏日早
起云早起精神爽推窗分外清雲歸殘月在風到葛
衣輕採露惟供茗攻書不爲名樹頭朝旭上小坐聽
蟬聲哭陳寶書女史云腕底幽蘭留絕筆篴中遺墨
剩餘香和周佩兮女史綠鳳仙花云儻非弄玉乘今
日合認青蓮是後身秋日雜興云曉鏡涼生雙鬢綠
夜窗蛩語一燈紅錢爲形圓多得用琴因調古少知
音閩仙善賦工詞如送春如夢令云不解春風歸處

望斷天涯雲樹啼鴂一聲聲夢破香塵烟縷無語無
語一陣落紅飛去梧桐月清平樂云石欄杆外半畝
桐陰驚怪道晚涼添韻致却倩嫦娥圖繪滿庭灑
依稀一天詩興飛飛欲向風前久立怕他濃翠沾衣
獨清閣集中附吳縣周佩兮目蕙綠鳳仙花原唱四
章頗能刻劃因錄二首云碧欄干外手親栽一種仙
葩次第開耀日翔風情淡若花少葉實疑猜窗前
淺色迷青草階上微痕映碧苔爲嚙玉人簫莫弄恐
他飛上玉釵來臨風瞥眼一枝新丹穴儀容鬥麗晨

好與春鸚同一色還疑么鳳是前身梧桐枝上全迷影翡翠斑深不染塵金谷名園何處在花飛猶憶墜樓人集中又附其師言靜媛感時三首錄二云倦眼微開意惘然數看羣蟻奪腥羶世間多少閒名利輪與幽人自在眠負瓢原是放歌人花報春光鳥報晨內翰一場春夢覺果然富貴不如貧二詩似有所指余覽宋尤延之遂初書目有徐夫人集女郎曹希蘊謝希孟詩集今皆無知者由此知湮沒者不知凡幾山陰韓晚卿

淑珍

字信脩知州衡齋先生慶聯友

亭縣尉嘉祥樾亭吏目永福榮亭從九嘉祥妹常執
王蓉洲主政憲成室著有畫香樓詩稿善畫墨蘭筆
力適媚戊申春莫晤於孟緄處論詩談畫相得甚歡
出其詩稿囑采哭弟古風二章爰錄於此亦足徵友
愛之重也哭樾亭弟云昔我辭家君垂髫姿容秀雅
神清超賦棋米肯奇童讓容易雙親歡愛邀與君一
別一星換我歸吳下君居汴時時貽我雙鯉魚魚書
只勸加餐飯遠道看雲繫別思池塘春草夢應知青
山遙隔三千里紅豆常懷十二時梁園重見話深宵

剪盡西窗燭更燒吐屬非常妙言語風前玉樹美丰
標雪案螢窗勤講貫詞華敢詡羣英冠黃金梯滑上
天難暴顯未遂登龍願俊鶻一試不再擊青年早列
防河職相如弱冠作貲郎賈讓治河陳上策半年歡
聚侍高堂聯袂同斟介壽觴君姑一紙催歸急又作
天邊斷雁行椿庭卧疾呻吟重長途綿邈誰相送宦
海羈身不自由朝朝與我愁眉共潛身假病伴庚郵
紅藕香中過鄭州成句瓠子忽驚河岸圻湯湯平地走
黃流原注是夏河決中牟回頭却望來時路魚登屋脊蛇穿戶

浮魄驚魂定未曾驅車直指前程去積潦汪洋平馬
首輪膠蹄脫仍前走夜深寂歷陟空山山徑縈紆風
怒吼荒村瞥有燈光見款門暫憩連朝倦天明更向
虎牢登此行回憶心猶顫秋風一葉梧桐落周南又
唱陽關出同來可惜不同歸獨飛雁影傷離索荒涼
道路更如何應比來時險更多揮手臨歧無一語盈
盈清淚溢黃河奉使汝州馳驟耳好來伊闕重停轡
堂前代我乞言歸致詞親病思儂至行色匆匆犯朔
風彤雲密密布長空大野彌漫失軌轍縱橫不辨路

西東盼近家門心漸喜
喚儂又隔橫流水龍門一夜
溜全冰壩頭席舍權栖止
咫尺天涯意似焚終宵邪
許倍愁人那知一唱公無渡
不及扶牀含殮親入門
竟抱終天恨搶呼已誓身同殉
本似東陽瘦沈腰那堪漿水都難進
平日憐君身骨立病魔生恐憂心集
言旋無那念慈章依依尙盼歸來捷
誰知病骨不禁秋趨鯉相從地下
游惡耗傳來疑是夢夢回枕畔淚
難收冤禽自掩孤鸞窖成句玉臺猶是藏溫嶠
不染人間一點塵悠悠大夢君先覺
當時只悔輕離別中元

明月從今缺 原注弟歿於甲辰七月十六日 生離悲恨已吞聲何堪

死別連枝折 泉路迢迢良覲阻 四句分袂成千古書
劍庫抄慘寸心遺物飄零散塵土一卷蕉心永不舒
遺容難認畫中圖多情感汝因同氣寒暑崎嶇涉險
途痛惜人琴腸欲斷往事匆匆如掣電春雲過夢夢
無痕可憐轉瞬滄桑變春令原上泣化離蠶死終餘
未盡絲東風寒食青青柳都是當年折贈枝哭榮亭
仲弟云草青離家時握手淚如雨啼烏戀故枝離雁
傷倦羽只道襟暫分誰知首難聚千里可致辭九原

不能語蠶僵雖已矣繫我絲縷豈無骨月親我心
獨悲苦豈無歡笑侶不如我同父念昔繞親膝羣鳥
鵲春煦一旦忽棄捐驚弓斷雁序泣我同懷人玉京
靈跡阻相見恨無時痛憶摧心腑涕泗沾衣裳哀哀
情千古

畫香樓稿中金氏節孝詩序云婺源金待聘妻林氏
無錫人吉安府經歷林蔚女弟其子凝祥娶於林爲
蔚壻疑祥弟文祥娶於祝亦無錫人各有子曰長森
長發道光壬寅五月喫夷寇寶山分道陷上海鎮江

復覓入江甯待聘僑寓金陵時適回婺源林氏聞變
震恐計避兵歸里江行七日可達六月望至采石磯
遇盜傾囊與之乃散去其姪徵祥躍岸呼救而前盜
復至斫蓬索斷舟不得行林氏謂二婦曰避兵而遇
盜命也遲恐受辱遂投江其子凝祥文祥從之明霞
謂祝氏曰夫與姑皆死留此襁褓物何爲各抱其子
沉於江明霞疑祥室也徵祥返求屍不獲越三日得
明霞屍葬諸磯上詩云江風獵獵吹菰蒲汴流一艇
如鳧趨采石磯頭回首望金陵烽火高浮圖方謂間

鬪脫兵燹誰知又遇強梁徒欲壑雖盈意叵測斫毗
拔舵堪驚吁江水滔滔去不返阿母先向江中趨維
時襁褓啼呱呱子從母兮婦從姑完節死孝一門俱
視彼曹江應無殊好攜黃絹鐫瑾瑜昭之彤管永不
渝余聞嘆夷入寇大江南北盜賊因之蜂起百姓流
離其中死節死難者甚衆湮沒無聞亦可慨矣

曉卿丰神秀美曉妝詩云春日融和透碧櫺雲鬟臨
鏡影亭亭不須彩筆添眉嫵自逗遙山一抹青戊申
饒春日孟緹召看牡丹藉與岫雲話別余卽席贈

絕晚卿和之有得親絳帳三生幸閨閣高才第一人
之句次日又寫墨蘭勝詩爲贊有何期青蹕及許侍
絳帷紗余愧其推崇太過而感其虛衷好學再摘近
體數聯秋宵云半幅墨鉤蘭韻淡一燈香照菊花秋
秋興云村中寒杵敲明月城上悲笳度晚風寄華亭
大弟云茱萸徧插君憐我鴻雁初來我憶君送王佛
雲表弟南旋云駕侶卽今欣聚會雁行忽又悵分離
皆性靈語也

戊申清明日岫雲以感懷詩見示有愁深夢寐皆悲

感春到貧家轉寂寥之句讀之黯然因賦浪淘沙一
闕寄之云最是禁烟時難遣鄉思離懷黯黯雨絲絲
想到墓門澆酒地開徧棠梨春水又平隄何日歸期
愁深夢境亦迷離七字吟成多少淚懷抱誰知岫雲
和云正在閨人時喜捧清詞酸鹹透澈妙心思讀到
襟懷欲冷處還帶淒其真子最投機無奈將離停雲
落月莫相疑暫別神京三五載或有來期岫雲詩詞
字畫無一不佳惜處拂逆之境生趣全乖筆墨荒廢
矣

孟緹自武昌返都出詩一冊讀之沈雄渾厚似少陵
入蜀後所作益信江山之助不可少也舟行逆風迴
旋衝激聊寫其狀云一葉如蓬轉帆檣著水低峰巒
遞隱見雲日互東西夷險情爲役持平物可齊浮生
隨遇好欣戚漫相迷江行遇雨云山氣蒸雲黑陰沈
入望中風雷生片刻天地一孤蓬霑溼牀牀徧持危
念念空天涯有弟妹愁緒倘相同夜半遇風云狂飈
倏然至月色暗中宵鉅鹿千軍陣錢塘八月潮蹴天
搖地軸跋浪失星杓一葉浮生寄安危任所遭舟泊

聞日夜聞水聲云蓄水爭流急潺潺日夜傾雲屯千
澗合勢挾百川聲伏枕愁難著還家夢屢驚遙知今
夜月幾處計歸程

晚卿畫香樓小詞亦頗妍麗如夢令云別後情懷依
舊只是因君消瘦修竹引秋風涼透雲藍小袖紅豆
紅豆一點相思長逗長相思云草青青柳青青相送
行人長短亭陽關莫唱聽山一程水一程一片孤帆
萬里征浮雲游子情蝶戀花云曉日融融窺綺閣一
點柔情先向垂楊著欲醉流霞誰共酌離愁只把雙

魚託暖雨和風輕做作紅杏枝頭繡出胭脂萼燕子
初來花上掠衝將春色穿簾幙賣花聲云楊柳思悠
悠芳草含愁小池綠縹緲魚游如許韶華春正好人
在皇州雙燕語溫柔輕蹴簾鉤曉妝樓上獨凝眸一
種相思何處著心上眉頭余謂紅杏枝頭繡出胭脂
萼千古麗句紅杏尙書亦
當避舍也

曉卿寫蘭蕭灑絕俗余尤愛其偶成五古云風雨灑
秋窗更蘭初罷繡愧無雲錦才區區啗墨守舊紙試
新毫石堅蘭亦秀四壁草蟲吟幽香正盈袖石堅蘭

秀真不愧爲斯言也

靈石何季箕

佩芬

知府蘭士先生道生女知府

玉民觀察耿繩妹毛季海同知瀚室爲岫雲從堂小
姑詩筆雋雅性亦溫柔余曾晤於李太夫人處不知
其能詩也八陣圖云東去長江自古今縱橫亂石佈
江潯陣圖能識風雲向臣道安知天地心草沒吳宮
斜照外臺傾漳水碧流深三分成敗誰非夢惟有丹
忱萬古欽再過赤壁云雄峰壁立大江頭縹緲潯聲
日夜流業創三分經百戰文成一賦擅千秋連雲臺

樹參差見浴水閒鷗自在浮記得舊游渾似夢紛紛
涼雨過黃州汴梁詠古七絕云玉帛空輸竟劫盟鸞
輿從此別神京可憐一去無歸日雪窖荒寒五國城
南渡君王不解愁湖山坐對樂優游長城摧後中原
棄應愛杭州勝汴州渡洛云翩若驚鴻態絕倫芙蓉
出水擬丰神託詞聊寄思君意誤被人言賦感甄潼
關云今朝至日猶爲客遙望潼關四扇開左右山河
似襟帶一天風雪入關來尤爲超妙

季貧又以哭姪女烈婦貞祥贈節婦裕祥一律囑爲

採人以彰節孝按其小引云姪女毛貞祥許字順天
陳壽祺未嫁而陳歿訃至女遂不食死事在道光壬
辰余適在都甲辰外子奉諱南旋余重歸舊宅撫今
追昔泣然有作詩云爽朗襟懷絕點塵妝臺作我最
情親夜涼杯茗清談久春暖簪花互送頻茹雪心堅
如鐵石凌霜節勁比松筠可憐嬌弱深閨質甘效夷
齊竟殞身姪女裕祥幼字先姑徐太宜人姪孫龍光
已遊庠矣而忽天歿女聞訃堅請往夫家守制遂歸
徐氏侍奉翁姑婦兼子職克盡孝道余憐其遇而重

其人贈之以詩云勁節凜冰霜堅如鐵石腸承歡慰

老母盡職奉高堂先德真無媿兩貞仁表揚他年看

綽楔繼美共流芳

原註其尊人大椿兄公旌表孝子姒瞿孺人守節二十餘年矣

吾鄉許月鋤

雪英

字修梅諸生凌濟堂室結禱一載

卽抱離鸞之痛素愛自鋤明月種梅花之句遂圖小

影寄意同里孫梅君

子宜

題句最佳云綿宵靜於水

素魄明若冰霜華不可拾畫闌誰與憑手種古梅樹

勁節同堅疑攜鋤此延仁會待寒香騰梅君爲家硯

農編修祖懋室月鋤有讀虛白老人不櫛吟題句云

風墮九天珠錯落雲舒上界錦迷離一聯差爲可誦

金陵王蘭畹

培芬

著有紉香閣詩藁饒有韻致采菱

詞云千頃湖光片葉丹菱花落盡水雲秋吳娘去後
憑誰問一山江南無限愁蓮花狼藉滿汀洲菱角歌
傳水調愁好趁西風放蘭槳綠波紅帶夕陽流立秋
對月懷諸弟妹並寄金陵四妹時余寓西泠雲藍妹
在滇華雲妹在湘南兩弟隨侍武昌云浮萍一散渺
天涯歡會西泠憶昔時何處高樓吹玉笛關山無地
不相思一輪皎皎月當空萬里秋光到處同惆悵秣

陵人不遠片帆何日下西風送素心表嫂赴滇錄二
云家山幾載雁行分蘭譜論交尙有君不道又吟南
浦句片帆江上感離羣六詔風烟總斷腸天南地北
遠相望此行君若逢吾妹爲問離情近短長

戊申夏間余以暑疾纏綿心懷惡劣偶思諧鐸中載
湘瑄集葩經花名有並頭並蒂連理葉底等式戲倣
爲之得藥百零八種皆不出於草木者用驅二豎亦
如李百藥命名之意耳並頭云景行行止天被爾祿
甘瓠纍之遂及伯姊常棣之華山川悠遠薄言旋歸

何簑何笠赤烏几几黍稷重穆青青子衿棠棣之華
三星在戶七月流火胡然而天椒聊之膏鬱彼晨風
金玉其相雞旣鳴矣冠綬雙止桑之未落條其歎矣
射則臧兮千戈咸揚黃髮台背鞠爲茂草胡不自南
桃之天天貝冑朱纓母兮鞠我白露未已檀車憚憚
決拾旣飲明明上天胡不相謂麻麥幪幪乾饑以愆
漆沮之從竹閉緄滕茹蘆在阪白茅菅兮歆蔓於野
天步艱難雄雉于飛並蒂云福祿攸降有飴其香南
有樛木疆場有瓜終朝采芻至今爲梗首如飛蓬匪

我伊蒿極其反側新甫之柏八月剝葉洵美且仁躍
躍兔抱布貿絲兩服齊首莫黑匪烏爲虺爲蛇載
寢之牀予室翹翹中心搖搖我馬立黃食野之苓良
士器器禾庶菽麥碩大且卷施于松柏采苦采苦言
采其蕢我取其陳相鼠有皮謂地盡厚茫茫械櫜自
彼殷商考槃在陸屢舞僊僊露彼菅茅顏如渥丹猷
其穉皮自彼氏羌實函斯活哀此羸獨北流活活食
我場藿幡幡瓠葉無小無大修我矛戟旣方旣阜天
何以刺如霆如雷松柏丸丸陟彼南山不可救藥南

山有枸薄言采杞悠悠蒼天邱中有麻載沈載浮無
食我麥遠送于歸人其身滔滔不歸載鼃其尾莫
黑匪烏侯栗侯梅采茶薪樗羔羊之皮蓄衍盈升可
以漚麻連理云天作之合昏如孔云朝宗于海帶則
有餘維笱及蒲黃耆無疆不續其麻黃流在中駢駢
征夫容兮遂兮百夫之防風其吹女浸彼苞菁實發
實秀山有扶蘇予惠思我白露爲霜桑之落矣及爾
如貫衆維魚矣助我舉柴胡迷而微執信連連翹翹
錯薪有扶之杜仲氏人只於昭于天棘心天天鶯飛

庚天冬日烈烈不可弭忘憂心悄悄方茂爾惡實維
豐年如塗塗附子之旋吟我心匪石髮則有餘空言
孔甘松摘有烏或黃或白微子之故集于灌木綿綿
葛藟攜無曰益母氏勞苦載寢之地黃烏黃鳥北山
有萊服其象服無將大車前王不忘葉底云小火稽
首其黃而隕其甘如薺何草不黃有鶯其頰握粟出
下莫赤匪狐采苓采苓彼蒼者天充耳琇實四海來
格梧桐生矣有扁斯石邇豆有踐武丁孫子其香始
升保艾爾後其葉菁菁似續妣祖是斷是遷如金如

錫鬻沸檻泉佩玉將將綠竹猗猗如竹苞矣其葉沃
若無木不委蠹賊蠹疾何人不將維參與昂彼澤之
蒲芄蘭之支維南有箕明星煌煌伐木丁丁無斨膺
經維石巖巖萑葦泝泝何草不立瞻烏爰止既燕于
宗麻麥幪幪言旋言歸白華營兮碩大有儼青青子
佩如松茂矣載脂載華東門之墠無冬無夏長馬五
之芄蘭之葉

常熟王素卿

青琴

爲藝齋觀察家相女孫蓉洲主政

慧成長女俞月卿茂才鍾琨室善吟詠工畫蘭菊書

得率更意歿纔三十二齡月卿有奉倩之悲爲梓絲
雪樓遺墨讀書室懷古云荒臺零落倚山坡恰對辛
岑登碧螺惆悵六朝人去後子規聲裡落紅多觀海
云獨倚危闌四宇空茫茫滄海浩無窮千層亂浪翻
雲白萬頃鯨波浴日紅山峙三神迷蜃市潮回一線
撼蛟宮蓬萊佳境何由到願學飛仙跨彩虹佳句如
山徑曉行云虎歸山洞風鳴樹鳥踏花枝露滴衣春
晝云深院落花紅不埽閒門芳草綠初生春雨云片
帆江上人歸後一枕樓頭客夢殘燕剪云一痕斜破

桃花雨雙影初裁柳絮風鶯梭云織成杏蕊千堆錦
拋向楊絲一樹金擬放翁山居云鋤來仙草和烟種
乞得蠶芝帶露栽秋夜云高樹影留三徑月小樓人
語一燈秋皆清麗可誦素卿爲晚卿前室女詩謹皆
婉卿所授愛如己出每向予言其孝慧惜其早世嗟
悼不已

歸佩珊詩已錄前卷其未刻者尙多如花事十詠風
致嫣然錄入護花云嬾將花事課花奴辛苦拚教手
自扶惻悵廿番風信緊一春妨却繡工夫祝花云步

幃金鈴百寶闌清尊圍坐慶團圓人無離別花長好
錦樣韶華歲歲看囀花云經年離別費相思把酒相
看能幾時識得憐香心事苦開時宜早落宜遲酬花
云滿酌瓊花月下陳替花爲壽祝長春月娥含笑花
無語宴客翻教醉主人覺花云惜花每自體花情一
樣纏綿賦性成偶向鏡中雙照影頻教彈指悟三生
餞花云百計留春恨未能將飛還任意難勝香風莫
逐東風去吹上瑤臺第一層詠花云芳菲轉眼已成
塵悄立閒階暗愴神彷彿月明深樹裏有人醺酒喚

眞眞朔花云當時紅紫競芬芳玉鏡臺前伴曉妝今
日相思忘不得夢迴紙帳月如霜寄荅川徐秉玉女
史云碧紗香裊日遲遲想得妝成出繡帷笑撈鴛鴦
湖畔水憑闌寫取並頭枝南園訪杏云入耳惟聞鳥
雀喧水雲深處暫停車薄寒未減春猶淺扶病還來
看杏花

余前秋不幸抱西河之痛偶讀佩珊悼殤一律爲之
涕下詩云搔首燈前念念灰轆轤腸轉百千回風飄
弱絮應難住絲吐春蠶苦自催夢假尙貪中夜聚情

癡空望再生來看花勉受同儕勸清淚無端墮酒杯
時聞友爲予排悶悲從中來不能自持益覺是作之
佳也

佩珊詞情致纏綿南歌子題漁笛圖云水國秋涼早
幽人逸思深漁燈隱隱夜沈沈瞥見橫江一鶴度遙
岑長笛飄來遠扁舟何處尋四山風急老龍吟吹得
一丸涼月墮波心柳梢青題倦妝圖云仙貌如花柔
情似水以月爲家長爪支頤香羅覆額雲髻欹斜盈
盈二九年華小顰蹙愁耶病耶倦繡心情暮春天氣

珍重些些金縷曲和淑齋夫人月夜聞笛韻云韻繞
樓高處是誰家夜涼人靜調宮按羽天上瑤姬仙夢
破喚起新愁無數更似水月華當戶記向露桃花下
立和鸞笙有個飛瓊侶聽金箭焚蘭炷羅衣太薄愁
風露最淒涼寒蠶金井伴人羈旅此味年年嘗已徧
話到同心倍苦况妙詠冰壺玉簪窗外雨聲鈴索響
更銷魂愁絕難成句歌郢曲遣誰譜踏莎行春暮次
語花女史韻云選韻尋詩背燈無語黃昏幾陣催花
雨陌頭芳草綠成茵斷腸回首流光暮短夢成烟亂

愁如絮羅衣黯淡銷金縷燒殘寶鴨掩紅窗三春好
景匆匆度鳳凰臺上憶吹簫次玉芬夫人韻云別恨
如潮行蹤似絮客中生怕逢秋正西風吹髻垂老多
憂多少鴻泥雪印思放下却又難休更闌後對將影
語背著燈愁悠悠別來消息看魚箋密字紅暈雙眸
悵舊遊似夢雲散風流無限悲歡離合難唱也驚上
小頭浮雲命憐君自憐著甚來由清平樂十六夜聽
雨次圭齋春月韻云夕陽西下月向簷前挂香篝空
濛花夢惹此景宜詩宜畫輕寒一縷穿寮夜深沈水

添燒樺燭清樽昨夕昏燈冷雨今宵

段淑齋太恭人詩已錄於前集今於歸佩珊詞稿中
見其金縷曲三闕甚佳懷金沙舊居云風雪吳江渡
憶家山無端拋撇勝情消阻舊事淒涼重記省浪拍
風翻無數又違計萍踪何處月令長河關塞黑愴征
鴻迷却沙洲路悲咽事向誰訴他鄉零落歸期誤酒
醒時思量往昔怎禁酸楚回憶當年棲息地彈指邊
經寒暑歎燕子歸來無主憑仗春宵蝴蝶夢趁東風
飛去花間住甚時候返桑苧湘江夜泊云寥瀟瀟

渚向秋宵停舡荒岸荻花深處木葉蕭蕭涼露下江
月半痕初吐悲此夕敲殘砧杵天外征鴻聲不斷一
聲聲似訴離鄉苦人不寐淚如雨二妃魂魄歸何處
道湘筠斑斑淚點於今如故屈子英靈應尚在徹夜
魚龍飛舞試聽取風濤掀怒往事蒼涼誰吊問剩商
舡玉笛吹烟雨天欲曉解維去月夜聞笛云幽韻來
何處聽隨風淒淒調發移宮換羽正是二分明月夜
散落梅花無數暗飄入碧窗朱戶折柳心情渾莫辨
對銀缸獨自懷傳侶掩珠箔消香炷花陰寂寂生涼

露到秋來鳴蛩淒切易傷羈旅况是故人離別思引
得愁腸更苦更難禁雙垂玉筯惻惻霜寒衣袖薄倚
樓人却憶銷魂句待閒暇記宮譜太恭人隨宦上海
觀察署延佩珊授圭齋詩佩珊與太恭人詩詞倡和
相得甚歡圭齋詞亦秀絕清平樂春夜對月云水晶
簾下新月娟娟挂料峭柳條風暗惹花影一庭如畫
微風寒透窗寮畫屏銀燭高烧寄語海棠休睡莫教
負此良宵金縷曲呈佩珊師云密雨吹苔砌正房櫺
黃昏時候薄陰天氣才見斜陽明竹外天末愁雲又

起慙惻惻自生涼意撩亂心情渾不定把常時鍼線
都拋廢但默坐碧窗裏懸知晝閣熏爐際卷湘簾山
榴火綻庭護烟膩卽物總應清興發引出詩情琴思
問若箇雅懷如此聲譽流傳吳越徧厠門牆自覺慚
葑菲借霜管寫高致

南林內史亦善小詞如夢令初夏云燕語呢喃清聾
簾捲熏風初透煩惱自年年情緒那堪回首辜負辜
負簾外薔薇如繡菩薩蠻題落花人獨立微雨燕雙
飛圖云風中雨作斜絲織落花猶剩胭脂色有客懶

凝眸東君不管愁江南春事晚吟興因之遠何必怪
烏衣人前故故飛采桑子春日云晴光一片春光裏
纔見梅花又是桃花開徧天涯無數花出門隨意行
將去閒竚溪邊小憩亭邊細聽鶯聲到耳邊浪淘沙
題吹笛美人云靜院好風侵行遍花陰晝長繡倦久
停鍼記得新翻橫玉笛吹作龍吟幽韻豁煩襟三弄
何心調高銀字更流音閒倚石闌人未起柳影深深
頗有南宋風調

戊申小春月韓淑珍晚廼校讀一過

名媛詩話續集

錢塘沈善寶湘佩著 受業山陰韓淑珍校字

瓊樓吟稿余昔未觀全集僅從正始集錄得鸚鵡一章去歲咏莪侍郎以簡緣詩草蘭臺遺稿見貽內附瓊樓芸暉兩吟草始得披讀佳篇絡繹再摘數聯瓊樓吟稿咏臘梅云寒風吹不落暖日照還香將雪云凍雲初出嶺寒鳥漸歸巢冬日卽事云松子落寒硯梅花對古琴幽居云花鳥自成友雲山好卜鄰七言秋莫云莫雨玉樓閒聽笛秋風金剪懶裁衣野步云

名媛詩話

羅集序

卷四

曉嶼梅和殘雪落春江
雲帶斷冰流春盡云坐臨流
永心無住門對青山夢亦閒
梅花云影近水邊都入
畫香浮月下好吟詩芸暉閣
吟草如月中閑笛云風
高聲共遠宵寂意似長雨後
見月云半空剛吐月萬
壑悄藏烟山齋云靜看白雲起
時聽春鳥鳴風雨中
望孤舟云遠踪隨鳥盡孤影與
雲俱皆有清微淡遠
之致

余寓春明已十二載最相契者太清孟緹不減同氣
之誼聞余南歸有口極盡綢繆以詩寵行情見乎詞

太清七律云十載交情如手足一朝別我去匆匆莫
因遲遞無書寄惟願相思有夢通鄉井久違成過客
雪泥重印認歸鴻江南姊妹煩君語細述衰顏更不
同孟綈五律云相攜逾十載此別最關情弟妹既睽
隔知交復遠行送君歸故里嗟我帶燕京寂寞誰爲
伴蟾蜍永夜明春來頻送別六度聽驪歌原注自奉
迄今六送
行旌矣衰謝那禁此離懷可奈何宵深殘月冷野曠朔
風多差喜長途裏江梅正滿柯女弟子韓婉卿五律
云忽聽驪歌唱臨觴意惘然天涯多雨雪驛路渺風

烟伉儷偕于邁平安頌式遄抵家梅正放香徹六橋

邊丹鳳城南路常停問字車許教牙慧拾不惜齒芬

加

原注蒙製
拙稿序

半載情偏厚三生幸獨誇

原注珍有得
親絳帳三生

幸之

容臺需典禮願早赴京華皆極纏綿令人心感

孟綖以前詩意猶未盡復成五絕四章云別離當啟

暮會友更何時念子衝寒去迢迢繫我思臨歧握君

手相顧各彷徨似有千般語惟餘淚兩行霜威一夜

緊關塞近寒初珍重雙飛翼頻遺尺素書君到西泠

日春從綺陌回梅花三百樹應識故人來

原注西湖
姊妹熟遊地

余時方寸已亂不能酬和爲愧耳

余於己酉春莫返杭重晤蘋香玉士諸閩友久違暫
聚樂可知也孫秀玉聯筠爲雲林叔女許季仁茂才

善長室招余及蘋香玉士飲湖上是日微雨余口占
絕句云十載燕雲故舊疎豔船重喜接仙裾空濛山
色溟濛雨似覺晴湖迥不如蘋香和云湖烟漠漠雨
疏疏握手登舟綠浸裾十載歸來詩格老無人不誦
女相如玉士和云慚媿塵襟翰墨疎明湖重喜執幽
裾憐他西子纖濃態畫意詩情兩自如次日秀玉亦

和四章云魚雁頻年媿太疎清游今日喜牽裾殷勤
聽徹篷窗雨話到巴山定不如久別西湖興豈疎酒
痕重上舊襟裾野鷗似識詩人面拍水迎來意自如
柳影重重人綺疏青痕濃欲撲衣裾蘭言徧接渾忘
倦杯酒孤篷信所如酒榼初陳晉接疎六橋深處集
華裾欲伸後約踟躕計翹首邗雲轉悵如原注家慈
就養邗江
有欲來枕之信數日後頻香玉士又招爲湖上之游余成二
律云紅塵十丈泥幽襟知己重逢愜寸心握手乍驚
容貌改論詩倍惜別離深燕來雁去嗟何及瑟君於
去冬隨

在永

月落雲停思不禁

親卿僑寓金華雲林就養邗江

聞笛山陽多

感慨

梁楚生太夫人席怡珊夫人均作古

一尊話舊漫相斟綠陰如水

草如茵畫舫湖山適餞春珠玉盈篇歌雅製

新刊香

南雪北廬

純鱸佳味慰歸人絮雲棉雨初長畫竹笑

詞稿見示

蘭言分外親風景依然堪領譽芳堤同步落花塵玉

士亦賦二律云鳳闕歸來拂軟塵墨花題遍九州新

故園鶯笋初迎夏舊雨湖山待送春雲歛峯頭天作

暝樽開婪尾草如茵寺門修竹蕭疎裏認取紗籠背

日因

原注君於蓮池菴有最愛雙松古意深交柯池畔綠成陰之句

萱葵高堂淚濕

衣隨中詩卷認依稀

原注先母歿已三年

敢將賸稿歸椽筆忍

聽悲吟付夕暉

原注君選名媛詩話擬以先母遺草附入

幸有芳蘭同臭

味喜看銀蠟耀光輝舊曾游處重回首多恐朱顏鏡

裏非蘋香和云雪泥鴻爪記前塵十載歸來彩筆新

詩酒未忘京國夢湖山不改故園春相親綺席人如

玉聯步芳堤草似茵落落晨星三兩點一尊長感去

來因

原注數年來楚生太夫人怡珊皆下世雲林在揚州瑟君去國領卿去婺

歸路征塵

浣客衣詠懷古跡半依稀

原注君有南歸日記

黃河遠上旗亭

唱舊雨清談玉屑罪小叙恰當春盡日重游待卜月

流輝

原注有泛月之約

花龕零落松龕改回首禪關處處非

原注瑞雲蓮池兩菴即壑甚佳近皆改成俗狀可慨也

蘋香以野花和韻二章見示云榮悴無心壓眾芳託

恨何恨寄籬旁輕紅碎白叢叢艷野店山橋處處香

高詠方干誇異色小家碧玉謝華妝村翁社酒如相

賞也祝金剛不壞王

原注用清異錄億宗祝菊事

彌權爲籬揮竹

闌却憐紅紫太酸寒無名可采人難品寫影同工月

借看長伴桑麻親野老敢攀桃李附春官錦幃寶幃

香深處輸與山家雨露團小題而能刻劃殊見巧思

項祖香與余神交十餘年今春回杭始得把晤相得
甚歡祖香個儻多才聰明絕世於書無所不通口若
懸河胸藏奇氣誠閩中傑士也詩詞曾採於七卷中
今讀全集再錄小令數章豆葉黃夜景云瑣窗風雨
一燈青人倚玻璃小畫屏夜永天寒睡不成隔簾聽
敲徹金釵第幾聲如夢令蟋蟀云消盡疎風冷雨綠
草闌干深處寂寞又黃昏一片朦朧私語私語私語
似把秋情低訴清平樂元夕云春燈夾路影躍魚龍
舞料峭風來剛夜半吹徹千門簫鼓半天綠霧紅霞

滿街金勛香車可惜一庭明月更無人伴梅花望江
尚黃昏云黃昏靜獨倚畫闌前萬樹秋風鳴似雨一
池新月澹於烟桂影上疎簾七絕如春晚云畫簾歸
燕解相親病裏方知又過春一樹梨花一牆月斷腸
時節斷腸人五律秋感云落葉滿窗戶虛堂夜氣深
秋聲已蕭索况復聽蛩吟機杼閨中怨關河客子心
那堪風又雨響亂一城砧

祖香又有忍字偈引云丙午六月製忍字偈贈善男
子善女人信心持誦捐除一切多想妄想已過想未

來想須知煩惱自取雖大慈悲佛力不能救汝也偈
云心爲身君刃爲劍鉞苟或不慎戕人自戕合而守
之用罔不臧以愚應智以閒鎮忙人詛人詎過耳卽
忘指我嗟我閉目若盲我心匪月不磨亦光我心匪
鐵雖斫不傷先民有言无咎括囊雲天蒼蒼冥鴻遠
翔回看黃雀何處徜徉余謂此偈可抵金經一部其
定力可知矣

同里關秋芙

缺

爲蔣藹卿茂才

坦

之室工詩善病謫

卿逸才天縱舞象之前卽有詩名近末三句已著作

等身與秋英倡和極湖山之樂余歸杭秋英願假湖樓作寓因匆匆返棹不果往乃承以七律二章見贈云福慧三生本夙因况聞才思迥超倫劍生湖海雙龍氣花入樓臺五鳳春紅粉軍中掌書掾碧城天上選花人知名從未瞻山斗媿我深閨久病身故園春色已闌珊剡地風猶撲面寒千里梅花憶官閣十年裘馬老長安蒨鱸入夢思歸易詩酒論交未俗難底事相逢便相別皖雲回首正漫漫

西湖水仙王祠一名蓮池菴又名雙松精舍有南宋

時古松二株黛色參天下蔭圓池池邊山石玲瓏叢
桂櫻欄雜花與小橋掩映迴廊曲折邱壑絕佳今春
蘋香玉土僧余重過則輪奐方新比丘俗甚將池規
方雜花與山石皆刻去廊已成廊油漆之味熏人幸
雙松尙存對之不勝滄桑之感乃訪南山瑞雲禪院
因背有老僧闢地蒔花疊石爲山境頗幽雅今則老
僧茶毘已久又爲庸僧將花石刪削另起樓臺殺風
景者無獨有偶蘋香歎曰有心哉樹木玉土曰無地
不懷臺余云空王側海移山力都付規圓方竹入神

對浩歎不樂而出

仁和高五雲淑人 鳳樓 爲吳書農學士 敬室 著有澹

直書屋詩草一卷清真溫厚五絕如獨酌云燈前一
尊酒對影還閒吟縱然不解語且喜是同心霜風云
漸漸透重幃處處凋芳草蕭蕭落葉中暗暗催人老
七絕如小病云爐香微裊上燈時簾幙重重燕語遲
病起心情無著處小樓春雨學填詞秋海棠云憚如
倩女南樓夢恰似明妃北塞魂數盡秋花最哀艷淡
烟斜月伴黃昏憶姊妹云庭前遍種當歸草籬畔偏

開姊妹花一片鄉心拋不得清宵有夢忽還家閱世
云縷金錯采倩縫人賴有豪家可養貧世俗繁華除
不得須知也是活生民蓋歎吾鄉服飾之華靡太過
也

京官之清貧北方之寒冷五雲淑人官况一聯盡之
矣詩云仙境一寒真到骨春明四季總如秋又有重
過書畫舫一絕云幾曲紅闌繞砌邊盆花籬菊似從
前天風吹入黃梁夢辛苦塵寰爾許年游宦歸來絕
似黃梁夢覺余適南歸見風景不殊而人面頓改愈

覺此詩之妙矣

五雲淑人有贈丁姬詩題云丁姬新來能背誦阿房
宮賦令詠瓶花立成作此贈之云自矜獨立見丰姿
金屋能消願太癡想是康成家法好泥巾老婢也能
詩並附丁姬詩云亭亭獨立筆難描絕世丰神絕世
嬌我欲移他金屋住此身可有福能消

錢塘玉楚芳

蘭佩

茂才孫載之永福室著有茂萱閣

靜好樓詩草二卷粲花詞一卷楚芳幼而穎慧詩筆
得長吉玉溪之致歿年纔二十有二殊可惜也七古

如女兒曲引云諺曰歲多生男則歛多女則豐蓋謂
男子可旅食四方女子惟深閨自守也戲作長句云
桃花醜面雛鳳語絲帨新看設幾許若祈大有卜年
豐不重生男重生女農家歲歲誇多穀憑仗閨中女
兒福共羨朱門燦繡楣芳名早艷黃金屋黃金千兩
篋千雙聲價傾城未可量越俗爭傳女兒酒幽人愛
佩女兒香蛾眉媚嬾容妬嬌紅淚香凝石華甍霞綃
霧縠翠雲箱嫁時賓客盈門賀生女能似宣文君定
邀鸞詔封夫人玉帔珠冠耀翟茀歸寧畫錦娛雙親

女兒女兒生事足穩向天家持顯祿願教珍重胭脂
唇好食官倉萬鍾粟游仙曲云綵鳳翠鳳紛紛躑絳
霞紫霧共留連擬向滄溟種瑤草痴龍今日墮耕烟
秦女簫聲洛妃鼓爲誰珍重長生譜桃熟千年藥萬
年焉知塵事縈心苦藍橋渡口一杯漿玉洞胡麻午
飯香何如同陟仙壇畔寫韻偏教韻事長巧絲自結
飛仙蓋珠佩空遺連理帶萼綠來時少定踪蘭香去
後無聊賴高情誰似許飛瓊不願愚人識姓名莫倚
彤雲看下界軟紅多處人爭行碧桃花下驂鸞路豈

惜凡塵時一顧祇恐人間薄命兒聰明反被神仙誤
漢武緣慳葬茂陵稽康仙骨乏嶢峻頻年青鳥疎還
往孤負瑤臺十二層秋夜吟云西風幾夕吹蘭芷淒
斷秋心愁不死雛鳳小鳳相逐飛一樹紅桐垂翠子
桂香濃襲綠玉佩手折芙蓉掩紅淚瓊雲不流璧月
明欲抱濃情對花睡鴛鴦繡褥蒲桃錦翡翠裁衾夜
明枕嬌魂癡夢渺難尋何處思香誇媚寢星娥月姊
不可招彩鸞簾額迎涼颺安得仙輶來絳霄相逢贈
我青瑣瑤五古直寫性靈似長慶體思親感賦云生

男勿云喜生女誠可悲游子志四方嫁女離庭幃時
懷堂上親焉得相追隨我生非不辰所誤因蛾眉二
十咏桃天百兩催子歸可憐數載來終日心神馳靈
椿依幕府遠在湘之湄雖然勤筆墨猶得娛文辭慈
萱居陋巷補屋牽蘿絲井臼任煩勞兒女繫遐思纏
綿手中線寂寞門上楣里閨雖咫尺色笑終睽違望
雲言思親思親當告誰眉痕背人鎖暗淚深宵垂倘
得生爲男棣萼應相輝阿兄贅甥館弟足依春暉胡
使困閨中有心無能爲日月偏迅速骨月長分離采

蘭陟南陔蘭蕊何芳非爲誦補笙詩字字傷肝脾楚
芳爲宮保文莊公曾孫女疎雨觀察女孫少山贊府
女

楚芳詩善於翻案如移居七絕云草色苔痕亦可觀
一般生意到闌干任教不入時人眼肯使閒階種牡
丹反游仙云瓊漿一飲竟成盟難得裴郎似尾生玉
杵倘教消息杳雲翹多事誤雲英胡麻飯飽最清閒
靈藥香桃護碧山劉阮無情歸意促仙姬何苦憶人
間駕機雲錦費辛勤織徧金梭不記春十萬金錢償

未得黃姑雖巧奈家貧

楚芳桑花詞一卷極幽婉之致夏夕寄陳午樓表姊
疎簾淡月云閒庭風細被一陣蟬聲把人驚起蝶夢
方回添得枕痕紅膩對菱花怪儂憔悴對鄰姬怪他
嬌泥最難消遣閒持寶扇獨臨瑤砌憶昔納涼深院
裏碧筒爭酌詩筒爭遞同調相攜便有許多幽意捉
迷藏悄行花底垂髫癡婢今猶記舊時心境當時笑
語幾時重諦病起蘇幕遮第二體云
鑒邊紅眉上翠鸞鏡無情只報人憔悴病起但知因病累未病前時

早已愁如醉倚風蘭零露蕙質弱香清祇恐根莖脆
好向空王求懺悔花莫芬芳人也休聰慧其人天折
於此已兆

同里張素華琪著有硯北堂詩草筆亦明淨五絕聽
雨云淒淒寒食風滴滴清明雨愁絕瑣窗寒花落應
無數春日睡起云芳草綠含烟垂簾盡日眠流鶯驚
夢覺無語立花前春草云春水滿橫塘春風蛺蝶忙
昨宵微雨過綠上古葦墻秋帆云片影落波橫秋風
挂處輕日斜江上望渺渺故人情七絕題蘆雁云雨

暗汀洲雪滿蘆歸來相顧又相呼堪傷雁序睽違久
莫寫飛鳴宿食圖西湖柳枝詞云十二橋邊柳萬株
腰肢嫋娜倩風扶春來學畫雙蛾細直把西湖當鏡
湖春莫云重門靜掩篆烟微草色苔痕繡地衣燕子
未來春寂寂一庭紅雨杏花飛秋江晚眺云日落烟
波暮色橫蓼花葦葉滿寒汀徘徊悵望江天遠鴛雁
未來楓樹青

祖香出新安張彥如詩一卷見示芬芳悱惻想見其
人七絕如季春歸邦舟次懷古蘭云斜日輕帆柳外

停飛花偏繞短長亭溪山似解人離緒兩角眉峯慘
不青蘭溪云莫雲無際水無涯客路茫茫感歲華潮
落桐江宵月白淒涼何處弄琵琶梁溪云九龍山色
曉淒淒黛影嵐光入望迷半幅蒲帆舟一葉澹烟疎
雨過梁溪瓜州云金焦兩點翠迎眸路近鄉關漸解
愁十里空江雲樹外桅檣燈火見瓜州佳句如過鄱
陽湖云半天雲氣騰匡嶽九派潮聲擁豫章懷家大
人蘭州云三邊月色侵裘冷九塞霜痕照髩明書懷
云梅緣傲骨香偏冷竹解虛心節自剛憶梅云小庭

殘雪霏微處遠驛東風悵望時和黃耕晚云湘簾眠
琴吟夜月雨窗潑墨寫秋聲集中附吳陽黃耕晚原
作二章錄一云記從官閣一聯吟原注王午春陪於
小語自然好學齋
幾聞風霜直到今越水吳山供逸詠暮寒春樹隔芳
音閑編應補才人集掩卷難平造化心我亦紅塵嗟
命蹇恨無清思寫煩襟耕晚名之淑善寫蘭竹巨幅
余曾見之筆墨蒼秀清絕纖埃洵逸品也

梁楚生太夫人古春軒詩已錄於六卷中今雲林以
新刊遺集見示詞集中有金縷曲四闕爲章娘賦者

纏綿慨悵序云杭有章娘者故隸山西裴中丞宰慘
通音律從師學琴以轉授女公子中丞與高相國朝
尙書密戚也每宴集使章娘鼓琴無不激賞其後嫁
尙書僕某中丞歿後隨其夫流轉武林傭於人任煩
辱之役偶至余家爲余鼓琴因言往事感喟者久之
嗟乎才人所養念華屋而悲生商婦琵琶感青衫而
淚下爲譜斯詞庶幾有以傳章娘也詞云簾捲東風
冷正花前鶯聲漸澁半凋紅影花外惜惜藏羞弄玉
手明徽相映彷彿寫照春麗景忽作清商翻怨調似

秋空朔雁飛無定沙塞迥夜霜警一時四座無言靜
斂絲桐逡巡再拜細陳萍梗憔悴朱顏今已矣夢斷
紅樓金井那更望知音傾聽柳絮浮雲根帶杏紅嬌
癡闕盡繁華境訴往事意悲哽其二云甲第河東冠
護芳姿金籠翡翠盈盈仙伴記取雙名書綠夾只許
鸚哥偷喚塵不到玉蛾窗畔香影花光初學步太憨
生時博關中漿朝瀟幌暮雲幔午橋池館清幽慣頗
憎他新聲嘈雜穿絲透管喚取師曹教小玉指點吟
猱抑接算眾裡獨推心腕生結名香焚篆鼎傍粧臺

細鼓清音緩三弄罷月初滿其三姻戚崔盧貴倒金
樽蘭堂日午廣筵佳會軟舞嬌歌都過了志在高山
流水催一髮粧成奏技上客低徊頻注目爲兒家一
洗爭鬢耳嬌顧影自矜喜當時只解耽遊戲一年年
桃鬢高並柳絲難繫弱蔓孤根無處著隨分繫依荆
杞也算做花開連理茵湘飄零原不定判百年人事
長如此渾不記電光駛其四金谷繁華息更驚心喬
松鶴去大絃聲急絲管春風前日事悲動白楊蕭瑟
對弟子青娥暗泣小隊銀箏零落了玳梁邊誰管雙

棲翼秋燕影痕萍跡燕飛萍轉錢塘客鼓飛濤泠泠
江上尊前鬢白換羽移宮傳別恨回首蓬萊雲隔但
海水收聲搖碧停拂銀鈎增悵惘坐幽篁爲譜胡笳
拍詞未盡淚盈臆

雲間王雲芝

德宜

爲方芳佩夫人子婦有語鳳巢詩

草余未見全集偶見晚泊一首殊爲通峭詩云秋河
一繩直鄉月半弓圓人靜羣兒語洲寒野鷺眠冷沽
山店酒暝聚蓼灘烟信道歸程速誰裝客裡棉

仁和甄鈿卿

藍玉

工詩善病閩友抄示數章未知其

詳途中云離家經匝月異地杳難羣溪窄常穿石山
高半沒雲孤猿啼遠樹饑鳥落斜曛不是因名利胡
爲車馬紛落花云自勸尋春駕烟光冷綠蕪濕粘蛛
網窄香盡蝶魂蘇階冷風猶掃亭空鳥半租玉欄多
倚徧世事怨榮枯

蘋香出續刻香南雪北廬詞見示西湖咏古滿江紅
十闋敲金戛玉氣韻沉酣爲之心折茲錄八章白公
堤白香山云名宦來游是第一西湖知己平橋外
堤界斷江流無際桂子天香秋冷淡繁絃脆管弄排

比郡亭中敲枕看潮頭詩成未風華句錢塘伎州波
夢蘊萊吏坐孤山竹閣綠楊陰裡壓擔雲根雙石耳
戀人翠黛三年矣剩酒痕襟上說杭州紅休洗表忠
觀錢武肅王云王氣錢塘看一樣飛龍舞鳳保障得
仙州十四蒼生歡頌天府丹書京洛賜名碑玉局行
人誦黯斜陽無處覓荒邱英雄塚銀缸冷麻膏夢金
櫻薦青絲籠歎六陵掘徧護祠誰奉風蒲靈旂春柳
裏水沉犀弩秋濤湧是耶非還我舊山河開南宋鳳
凰山宋高宗云雪窖刀鋸只說道兩宮無恙消領到

偏安世界承平氣象御教場中羅綺隊鈞容部裡笙
歌唱鳳凰山山色似蓬萊開仙仗燈火院煙波舫桂
子落荷花放颺柳絲禁苑翠華天上尺五皂紗儂解
戰十三玉版君能做笑官家不是帝王才西湖長樓
體嶺岳武穆王云血戰中原弔不盡忠魂辛苦紛紛
見旌旗北指衣冠南渡半壁鶯花天水碧十圍松柏
雲山古最傷心杯酒未能酬黃龍府金牌急無人阻
金甌缺何人補但銷金窩裡怕傳金鼓牆角讀碑斜
照冷墓門鑄鐵春泥污熱名香歲歲拜靈祠悽霞路

翠微亭韓蘄王云膽落强金黃天蕩樓船飛繞雨點
樣打來征鼓玉纖花貌名並千秋恩報國獄成三字
悲同調幾何時絕口不言兵無人曉紅粉瘦青山老
兒女話英雄笑看清涼居士騎驢側帽詩句翠微亭
上夢劍癡春水湖邊照把中興事業付東風閒憑弔
蘇公堤蘇東坡云管領湖山天付與仙人玉局能會
到傅神西子嫣然眉目終古高風懷吏隱前身明月
尋僧屋徧長堤楊柳屬蘇家垂垂綠三兩處軒窗拓
千萬首詩篇足記年時放鴿絮花撲撲雨濕翠翹雲

舫女涼生金縷瑤臺曲試參寥泉水碧無痕香茶熟
孤山林和靖云世外高風隱君子當年和靖早占却
湖天一角水窗煙迳殘雪斷橋寒著展夕陽孤嶼春
迴艇間幾生修得到梅花先生聘雲木下鉤輅聽圖
畫裏笙歌屏甚泉香薦菊可曾消領石老蒼荒仙鶴
夢橫枝小朶詩人影月明中我欲抱琴來青山應
嶺葛稚川云勾漏當年早金鼎丹砂九轉無人識人
間仙令人家仙眷碧霧衣涼風蝶舞紅蓮飯熟荷蜂
幻看初陽臺上又斜陽苔花滿占一角湖山半望兩

采羅浮遠笑曼都未醉流霞注盤古井照星雲母冷
靈泉浴日玻瓈暖想天壇明月鶴歸來吹簫簫蘋香
心靈思巧善於翻陳出新如浪淘沙云病是愁根愁
是葉葉是雙眉前調冬日法華山歸途有感云千古
塚壙幾何限殘碑幾人埋骨幾人悲雪點紅燭燼又
冷慙胡成灰

玉士以紅棠玉蘭上太夫人訓遺草見示秀麗天然
如春草云小院春初至萋萋遠近同風迴舒淺碧花
落襯輕紅曲徑殘陽裏芳塘細雨中最憐雙粉蝶來

往過牆東題徐洲山水畫幅云疊疊遙峯秀叢叢
碧樹鮮野橋隨水曲茅屋與雲連徑古少行跡山深
起暮烟靜觀風景麗彩筆自天然舟夜云幽行村落
裏極目四山橫明月依人影楓林作雨聲江光迷霧
重岸火燭波清何處笛聲起頻添旅客情山樓晚眺
次韻云攬勝倚高樓嵐光冷渡昨夕陽明浦樹花霧
隱漁舟鱗斂長空靜烟凝曲澗幽忽驚林外笛天際
雁歸不七律如秋宵玩月云葉葉微雲得漢浮一輪
光滿碧烟收彩蟾流影侵珠箔銀浪無聲卷畫樓寂

寂疎花涼繞砌娟娟修竹靜搖秋紅闌幾曲閒凝望
何處清砧動客愁佳句如詠雪云也同皓月侵羅幌
不似繁花點繡茵秋夜云檀烟細裊千絲篆花氣平
分一院香新月云玉宇風輕吹影細桂花香冷上弦
遲簪菊云疎離影瘦和霜摘曉鏡香叢帶露沾

丁酉秋仲余北行時頻香玉士和余留別三章皆錄
於六卷中周暖姝來音亦和而寄之誤托洪喬余未

接讀今復以前章見云云似寥晴字四無據林鄭重

陽語最真

原注重九小園致爽臺登高

東坡云寒自重九不可虛擲屋上青山下

流水登高還憶北行人
茱萸且自酌瑤舟
登眺家園不散愁
差勝當年陶與孟
陸沉空復感神州
鮑令暉同吳絳仙
沈雲英去贈詩篇
今朝望遠增惆悵
忽動離懷到酒邊
暖姝爲錢塘魏滋
伯廣文謙升繼室
余還里匆匆不及
與暖姝一面有詩
懷之暖姝寄和四
章云相見初從寫
韻人緣深翰墨總
前因光風霽月襟
懷爽何率叨陪末
坐春

原注吳蘋香夫人見招始獲拜識

迢遞京

華憶遠人畫梅郵寄證蘭因紙窗竹屋橫斜影尺幅

長留筆底春

原注前歲在都畫梅見寄

幾回葭水溯伊人難聚雲

萍亦夙因拋却西湖花月雪歲華荏苒十三春

原注君自

丁酉歲入都今已酉回杭首尾十三載與蘋香

夫人有同過敝居近水園泛月之約以事不果方

老潘虛白以後此傳人福慧雙修夙世因珍重齊紈

人潘老人

藏篋揚仁捧袂待來春

原注承以書畫紈扇見惠

余讀至拋却

西湖二句不覺憮然久之

余與太清經年之別思不可支幸其詩函常至藉慰

離懷七絕如白虎港觀耕云杖藜扶過短松岡楊柳

風來拂面涼忽見黑雲羃山頂一犁春雨杏花香陳

家莊看杏花云照眼連林燦若霞崎嶇細路一條斜

居人不務耕，耘業高下山。田盡杏花新，開口看春園。
云慈溪新水漲，春流隔岸垂。楊綠更柔看，到夕陽時。
更好賣魚人，過斷磯頭。三月九日，山中大雪，云春衣
纔換，又添衣。囊水成冰，晝掩扉。眞是深山殊氣候，杏
花時節，雪霏霏。九日書懷云：瑟瑟長林落葉飛，西風
白日影微寒。生老圃，霜初降，香嘆東籬。蠚正肥，叢
菊有人，終淚眼，情砧何處寄征衣。登臨欲賦，題糕句，
心境年來，與世違。直化去，筆墨之痕，全以神行矣。
玉土別後，亦以五律三章見懷，云：脩脩梅雨裏，惜別

恨難支會合曾無幾
睽違又彼時炎雲朱夏歇涼月
素秋移多少懷人意傳書旅雁遲
非梧黃環墜蕭瑟
感離羣似我蠶鹽累多君翰墨芬
琳琅行篋貯錦綺
侍兒熏極目天涯路江鄉隔莫雲
更憐三益友廟事
亦多勞原注謂文采思千古年華感二毛
消愁頻琢
可得趣定傳驪原注蘋香有飲酒讀騷圖
彼美相期處同余共酌
陶不特情見平詞格調亦復高雅

陽湖秦訪舟太孺人巡政沈永福母有病中示子子
厚二絕云九熊畫荻盡艱辛望有詩書步後塵
捧檄

本非慈母意家風淡泊豈憂貧青衫一著乍伸眉黃
卷辛勤冀有爲何意宦游違膝下傷心相見竟無期
蓋子厚游泮卽棄書筮仕非太孺人意也太孺人爲
咳蘭母

許定生琴外詩鈔有哭高真媛步蔡玉生元韻二章
序云真媛名韻生字蕊仙常熟人幼孤庚寅年蕊仙
同姊自京南下路出袁江舟中一敘遂成相識別後
數載又晤敘更指嗣亦僑寓袁江從家慈學習詩詞
並琴畫無不專心致志其聰慧過人洵非尋常可比

年三十未字辛丑仲冬余詣白門過訪適蕊仙于歸
李氏結褵三日而新婿從征與余相聚十日朝夕聯
吟頗有不勝哀怨之意壬寅四月忽聞蕊仙自縊因
訛傳其夫婿陣亡遂相從於地下耳嗚呼痛哉蕊仙
巾幗之完人標千秋之節義讀其詩想其人有不
棄歎息而不能忘其生平之志也爰爲之序詩云淒
涼一夜曉風鳴似向粧臺訴不平適自何來驚惡耗
宛然如昨憶香盟結褵草草知情厚蜚語紛紛到眼
明堅不能磨白不涇真堪成就玉人名浮沉寄跡等

飄蓬質比幽蘭怯雨風
晝到神奇無粉本
吟成珠玉倩紗籠
恨同垂柳千重碧
心共斜陽一片紅
幾度低徊頻灑淚
涓涓常與水流東
余聞玉生云蕊仙詩筆
雋雅惜未讀其遺稿而節烈如斯無藉詞藻傳矣

許定生瘦吟詞亦有思致
如如夢令畫竹云石隙新
臺半吐簾底綠
雲微度昨夜小窗紗
添得嫩涼如許
聽取聽取可似蕭湘
秋雨浣溪沙題照云
衰柳江南感舊游
謝家池館正清秋
不堪回首向西州
往日風光猶自好
少年心事未全休
綠陰如水恨悠悠
清平

樂西瓜云綠瓊圓潔秋水紅冰結飽食且須除內熱
莫問幽風幾月當年玉梳金刀分甘曾趁良宵又是
秋期近也不堪歸路迢迢菩薩蠻云斜暉漠漠東風
驟綠陰影裏離鶯瘦羅袖薄如烟江南三月天庭階
閒佇立好句猶難覓何處按笙歌聽來愁轉多定生
以書畫養親名著南河閒於戊申去世有才無壽殊
可惜也

宛平黃美心詩曾採於十一卷中再讀驂柳次韻二
章覺筆情沉著洵是作家詩云道旁搖曳弄春晴慣

折腰支解送迎別浦綠波殘月影誰家玉笛曉風聲
饑鳥乍去餘空壘老驥長嘶有廢城其效桓公今昔
感依依悽斷漠南營干株新綠憶揚州和雨和風更
惹愁緒陌舍顰憐送客翠樓凝望悔封侯遠避酒市
飄帘影低拂漁磯映水流極目短長亭子外微黃楚
楚又經秋

名媛詩話續集

錢唐沈善寶湘佩著 受業山陰韓淑珍校字

偶閱稗販見茂苑薛貞瑛三絕句殊有逸思從吳江
至西湖作云燈背不見一燈紅凝煞平江半夜風到
得西湖覓西子那知殘雪正朦朧寓樓見梅花喜作
云樓西望不見西施樓前寒梅見一枝從此吟魂得
相傍黃昏捲起暖簾兒抵杭寄姊妹云羊燈照我下
長河吹落梅花比淚多姊妹今皆休記憶冷風殘雪
到清波稗販爲吾杭飯顆山人曹斯棟作

庚戌冬日余返杭掃墓關秋芙集諸閨友宴余于巢
園出所著花筵集衆香詞讀之覺纏綿哀艷音節淒
清秋芙年才二十餘丰神秀美伉儷多才性耽禪悅
人有金童玉女之目家擅園林之勝詩得唱和之樂
而清愁一縷縈繞筆端殆天賦歟余欲以織女謂郭
汾陽大富貴亦壽考二語轉贈秋芙也七古花朝曲
云春烟鏤影春波皺黃鶯啼上湖隄柳有人日莫倚
欄杆一杯酌向花根酒酒痕花淚不分明花自無言
儂有情親寫綠章蝌蚪字替花歲歲祝長生春去春

來等閒度去年記踏春陽路兒家夫婿最多才黃昏
賭說花前句又見花開滿畫堂相逢猶是舊紅粧可
憐花發還多感誰保花殘不斷腸雲鬢風鬟容易改
惜花人尙閨中在幾生修到此花身可曾博得東君
愛何況蛾眉情最癡慙慙減却舊腰支幾回張得紅
旛護却駐容顏有幾時驚起貪眠紅蛺蝶一雙飛向
釵頭貼傍花瘦得不成腰也應笑損桃花頰便到春
深休自悔情禪參破原無碍不化香雲便上天但隨
流水終歸海莫似深閨薄命人對花只是淚沾巾無

聊但下狝床拜日日焚香叩玉眞七絕有悟云幻緣
泡影證三生曾說如來住化城種得梧桐花滿樹人
間傳徧合歡名淨解塵埃不用犀樓臺三面敞琉璃
雙頭獨有西來鳥祇揀青蓮並蒂棲玉宇瓊樓夢想
中榆花嫩白棗花紅昇天莫羨三禪好只避紅塵不
避風掌上分明見衆香天花飛舞入禪床有人病倚
東風笑看換釵環舍利粧詞如解珮令新涼云淒淒
一陣颼颼一陣又蕭蕭接連幾陣打了梧桐又亂打
半窗花影是秋風有心做令令還不定熱還不定便

陰晴也還不定一味昏沉但做就恹恹秋病甚心情
替人臨鏡

南昌裘佩秋有怡然閣詩草抵家口占云舟人指點
豫章城早見行輿出郭迎到岸目憐登故土進門爭
欲訴離情慈姑別久非衰景稚子相看幸長成歎我
行裝都減背尙留心是玉壺清歸來心急恨行遲倚
杖慈親別淚垂轉瞬已成三載隔長談不盡屢年思
分明苦海回頭日好是黃梁夢醒時一念燕雲懷老
父壁間珍重送行詩

毘陵張懋生儀之春日偶成云梨花淡淡柳青青芳
草和烟綠滿庭窻出游蜂簾入燕春來無物得消停
余愛其陶然亭一絕頗有畫意詩云風靜樹無聲雨
晴塵不起日莫一人歸步入蘆花裡

永康吳絳雪宗愛諸生徐明英室有六宜樓詩艸康
熙初耿逆叛僞總兵徐尙朝陷金溫等府直犯永康
永康官紳以絳雪居嫻才貌雙絕謀以獻尙朝請退
兵保境尙朝艷其色卽許退金華絳雪是日賺賊出
境行至三十里坑給從者取水解渴從者稍懈遂投

崖而殞從容盡節保全閭邑人民事後無人請旌邇
者安徽吳康甫二尹廷康官斯土得悉遺事囑黃韵
珊孝廉清憲爲譜桃谿雪傳奇以發二百餘年潛德
之幽光詩極清勁寄外云落葉颼颼秋燈怏怏影單
此時瞻遠道愈覺路漫漫風雪貂裘敝問山馬足寒
朦朧憐淡月兩地但同看

秋芙宴余集團余卽席賦贈一律云
意欲舒梅水竹園林勝金尊
畫閣開鮑姑香茗賦園
妹粲花才更喜羣仙集新詩珠玉裁秋芙和云晚來

天欲雪春意到庭梅幸得良朋集欣逢笑口開椒花

傳妙詠柳絮仰高才媿我詞章拙煩君爲剪裁同席

海昌陳湘英和云曾將畫眉筆東閣寫新梅

原註見夫人畫

梅疑是荒村裏一枝前夜開丹鉛傳妙品鋪綉壓羣

才我獨追陪幸春風化裁李佩秋和云去年風雪

裏勞贈一枝梅幸未朱顏改還逢綠帳開剪燈同聽

雨樽酒快論才更喜瞻詩什篇篇錦綉裁鮑玉士和

云掃徑迎幽客尋春問玉梅玻璃窓檻合玳瑁綺筵

開地古園華勝天成錦綉才絳帷欣得傍蕪句待剛

裁

李佩秋言資江集載錫味老人絕句云病起誰教好
景過鄰鄰新綠捲微波紅欄一角無人倚借與春風
長蕭羅眼前景寫來極清麗佩秋名淵叙美秀而文
其姑母與余幼時頗契始笄卽歿佩秋性情蕭散善
鼓琴有林下風焉于歸馮氏後秋美書來告余有癡
牛非偶之句爲之太息

辛亥春初余晤鳳陽方鰈鄰年姒

余菊農觀
蔡士璵室

性極溫

雅愛才如命湖上探梅衙齋設宴蘭誼優渥良可感

也爲言無錫丁芝仙工詩善畫性情風雅現隨任嘉
興當寄書介紹俾與足下珠聯璧合亦閨中之韻事
遶余舟至駕湖芝仙已遣紀探問數日矣聞至卽官
輿相迓把晤傾談殊恨相見之晚遂訂雁行書一絕
以惠云相逢未久誼偏長不惜題詩墨數行原註時
爲余題
靈飛比似胸羅廿八宿彭宣從此熱心香余亦口占
經書
和之並邀游金陀別業爲南來岳倦翁珂故居古木
連雲蒼厓疊翠池橫小艇樓倚修篁亭榭十餘處每
至一所別開生面兩園左右相倚山徑通幽脩高低

宛轉之致余賦一律卽以言別芝仙書得靈飛之神
胸有經濟之學閱歷半天下洵通才也爲寶洲司馬
女嘉興令楊子蘊炳室有雙清室詩鈔

余於鮫鄰齋中晤無錫秦宜人離分司劉某室善吟
詠一面之識卽贈余七律二章云清風林下久心傾
應是神姝謫玉京斑管一枝花四照雲箋百幅艷三
生遍傳日下新詩本小住湖邊故國情才子掃眉真
絕代衣來畫錦倍鮮明共信前塵接後塵衛夫人與
管夫人慧心兼擅紅閨福妙手橫生翠袖春一代騷

壇樹旗幟千秋才調軼冠巾拈毫不韻深慙我多感
臨岐索句頻掄揚過當未免滋慙秦宜人爲禮堂都
轉鑠曾孫女漪園太史泉孫女蘭毓太學生晉林文
辛亥春日北上至廣陵訪雲林雲姜伯芳班荆道故
舊雨情深雲林爲居停主皆欲盡平原十日之歡余
感其意爲留三日覽東園之勝話夙昔之情嘗鱗魚
羹飽車螯饌珍饈絡繹貽餽不絕雲姜伯芳曉至暮
歸相忘形跡臨別復以詩壯行雲姜三章云春明聚
首幾經秋分袂匆匆易感愁正是鶯花懷遠切一帆

烟雨過揚州十載重逢憶舊盟
挑燈閒話別離情
生憎三月長亭柳不把絲絲繫
遠行又是驪歌送別時
何時樽酒慰相思京華此去春光滿
但觸懷人便入詩
伯芳四章錄三云七載京華感舊游
與君重晤海西頭
鶯花三月揚州路
細雨輕帆送客舟
計程十八短長亭
五夜鈴聲夢裡聽
千里輪蹄春欲暮
蘆溝草色已青青
春明詩社憶當年
酒滿金樽月滿筵
聚散萍蹤無限意
三生翰墨是良緣
余亦成四絕留別末
二章
蕭蕭風雨剪燈聽
往事重論感絮萍
別後丰神

俱瘦減怪伊雙鬢獨星星

謂雲林

風帆葉葉路迢迢回

首烟籠廿四橋江上綠波堤上柳教人那得不魂銷

又於雲林齋中晤雪溪鄭蘭孫

娛清

美秀工詩雲林

出其贈句四章錄二云簾捲西風翠袖涼一燈秋雨

送昏黃疎園八負湖山約歸夢難尋別意長

原註余別西湖

入載今春君歸處同行不來

鴻爪泥痕感舊游自憐青鬢不禁秋

吟肩消瘦吟懷減別是天涯一種愁蘭孫爲徐少府

某室

辛亥試燈後十日暖妹約蘋香及余挈友愉女同往

臯亭山下崇光寺探梅時宿雨初晴春陰乍斂萬樹
寒香含苞始放一溪流水照影生姿暖姝且佳有旨

酒小杭吟筇酌於梅花道場飯後同步疎林密蕊中

余起清平樂首句云萬梅花下蘋香續云曲曲疎籬

亞流水一灣青玉瀉暖姝續云小坐林間茶話余又

云微雲忽漏斜陽東風吹送寒香蘋香接云花事二

分未到幾時重集壺觴詞成相與歡笑縱談今古人

影花光相看忘暮余又成七律云松邊竹外影橫斜

絕勝巢居處士家仙蹤昔迎雙鳳輦

崇光寺昔爲南
宋顯仁太后功

德香雲今擁萬株花娟娟綺袂憐姑射澹澹明粧並

綠華滿地夕陽吟未倦忽看古樹集昏鴉頻香和云

萬枝香雪回橫斜物外春歸釋子家成滑滑泥衢三

逕路陰陰寒勒半村花素牋作草書成聖原註湘佩

好句如仙氣自華媿我粗疎慵染翰小意無意學塗

鴉暖姝和云林披蒙密徑欹斜問路還經釣叟家精

舍有誰繡貝葉道場端台署梅花崇光寺彌勒殿傍日梅花道場空

山畫靜稀塵事古樹香浮換物華暑短途長看不足

繩牽何術繫金鴉友愉亦賦一章云雨後泥融石徑

斜紅牆遙露梵王家欽光髻影追隨處飽看寒香滿
樹花

太清以大興劉梅正靜媛園詞數十篇相示春曉云
朦朧樹影射朝曦侍女添香悄步遲應是夜來春夢
淺日高猶暉海棠枝焚香云爐香綃綃裊佩盞百合
圓成手自焚蝴蝶夢迴愁幾許盡隨輕篆散朝雲臨
帖云瓶花低映硯雲香脫釧拈蕊雅興長慕取丰神
嬌欲倦一篇真跡十三行看花云霞明雪艷夕陽遲
春在芳叢第幾枝笑指丁香珠萬點謝娘惆悵未成

詩粧成云花光冉冉映輕雲鏡裏難將豆蔻熏試向
畫圖評甲乙與君春色要平分午睡云半羅羅襦拖
碧紗暖香低墮髻邊花春酣未足慵移枕臉暈新添
一抹霞眞可謂香奩韻語也七律詠紫白丁香云移
得雙株傍檻栽紫雲香雪艷成堆露華慙亂珠纔結
風剪草勤錦組裁閒倚月明思柳絮笑拈春色憶玫
瑰輕寒連日窗猶暫爲引清芬入座來白丁香云暖
墜晴雲破曉烟梨花嬌約玉堂仙折來夜雨方三月
看到春光又一年簾捲微風香韻遠窓含清影雪痕

鮮詩人漫道愁千結留取粧臺作翠釧佳句如白芍
藥云香濃小苑初臨夏雪滿雕闌欲醉人紅芍藥云
舞重紫雲風力軟香羅紅袖露痕新犂牛花云半抹
曉烟籠淺翠一灣河漢照新妝海棠云滿點胭脂花
未綻一林翠幄葉初齊皆清麗宜人梅庄爲醫士室
偶於鄒佩瑗扇頭見畫西湖之蘇堤春曉繪極工細
上題西江月一闋音節清脆愛而錄之詞云十里樓
臺如畫雨湖烟水初晴一株楊柳一聲鶯啼得游人
夢醒殘月長堤未落遠鐘古寺纔停已看魚鑰啟重

坡寶馬香車齊趵歛署佩芬芷不知何許人也佩瓊
杭人名汝卿知縣某女虛白太夫人子婦笠樵孝廉
室亦能詩

秣陵朱琴仙

榮珍

蔡梅菴

殿齊

太史繼室丰神秀美

工詩善畫王子過訪見貽一章和余題梅韻云蘭佩
蓉裳不染緇細識荆應悔十年遲璇閨詩畫何人及妬
煞粧臺筆一枝琴仙言絮雪吟朱菊如乃其從姊菊
如之女單眉卿

師孟

年未及笄已工吟詠出其近作

數章婉麗無匹字亦端好金陵陷後不知若何殊深

惆悵爲錄絕句四章以見一斑春圖卽事云淑景暄
妍燕到時碧闌干外日遲遲紅歸桃杏青歸柳同是
風前得意枝雨後春眺云牡丹亭畔試疑昨雨過山
光翠欲流未識美人家迢近綠楊深處有紅樓垂釣
云金線初拋下繡床春來青艸滿池塘欲將錦鯉爲
親僱自理絲綸立夕陽題梅花牡丹云強把梅花伴
牡丹東風開放一時難儂今悟得丹青意富貴須從
冷淡看

六卷中蘋香送余赴都詩有此去油窗花戶裡離愁

莫更到吟邊之句讀者不知油窗花戶爲何物輒相
詫怪蓋北方風寒凡門外加風門一扇名油窗花戶
見吳蘭雪刺史蒔儵詞話又丁步珊寄余梅詆用槐
廼聚首相守弗離閤者不知何謂蓋未見江陵志耳
又余哭幼女詩用秀髮二字或謂髮無秀者乃未讀
徐陵傳耳諸如此類不可枚舉

芝仙翳相識投贈之作命採數章於詩話最佳者有

連城楊婉蕙

漢皋

著有榕風樓詩鈔方伯黃公女太

守梨茶嵐室和芝仙招游江心寺云仁壽霞洞最高

頭又泛江心盡裡舟詩境由來重孤嶼靈山長此砥

中流萬重海氣平開出一派城陰人鏡收難得良辰

借勝侶金焦而外此佳游

原註金焦皆余舊常

遊與芝仙同官

永嘉時作也婉蕙小姑梁筠如蘭香有夢筆山房詩

鈔蔭林中丞章鉅長女郡丞祝普慶室東園雜詠錄

藤花吟館云雙株非芳花三間豈舊館詩老重卜居

復此花纂纂願依愛日暉長護春雲暖榕風樓云背

編玉壺詠許我共鈔胥

原註家大人鈔閩中閩媛詩曾命余謄初稿

今綜

風雅全八九將成書榕風謾謾來不負好樓居百一

峯閣云一閣出塵表千峯如畫屏秀出者百一何妍

如尹邢凭闌忽有觸何如來青亭

原註余浦城別業中來青亭亦擅一

邑之勝

荔香亭云少小離鄉井久不聞荔香廿年始歸

來一沃冰雪腸濃陰更消暑高齋眞夏涼俊逸乃爾

惜未見其集

金匱楊佩貞

知縣秦恩普室著有選雪樓詞草點

絳唇云小雨初收野波清沙明如鏡荻花千頃細響

穿幽逕半杵晨鐘欲被風吹冷聽來近寺藏松頂玉

塔玲瓏影詞筆甚清又夜坐五古一章亦有澹遠之

致詩云掩袖停青瑟空庭怯幽獨靜夜聞茶香修葺
散花竹河曙淡如烟窺戶一星綠

昆陵吳佩璽周采菴太守曾毓室善病工詩余在都
時屢承過訪臨別復贈五律一章云晉陽舊游地美
子駐魚軒戶有十年蓄河來九曲源漳衣香閣靜繡
幰郡樓尊最好題詩處中條綠到門女公子遊甫慧
芳秀麗能詩余暇輒與論古今余赴晉時亦賦二絕
相贈云三載勞師教無才率性真匆匆話離別山色
逐香輪少歲親鞍馬何言行路難計程千里近早寄

一書安佩豐神俊美寫寒潭垂鉤圖背面示人當
囑余題余曰凡寫照者神傳阿堵惟恐不肖今以沉
魚之貌鑒彼清波但以墮馬之髻留諸素紙余竇不
識誰何未能下筆如此翻新想必別有見解也可爲
失笑

蘋香寄紅豆軒詩詞一卷云爲仁和汪采湘衡之遺
稿輕俊清圓惜未竟其學而歿春日卽事云寂寥心
事怯春寒杏子衫輕翠袖單自卷湘簾通燕子夕陽
紅上小欄杆七夕詞云碧空雲淨織星明齊起紅窻

倚彩楹莫把纏綿笑兒女大羅天上也多情庭中老
梅爲風雨所傷感而賦之云寂寞閒庭剩蘚痕荒垣
空對月黃昏春風回首原如夢玉笛誰招已斷魂修
到神仙比綠華難逃小奴化朝霞東君薄倖風姨妬
憔悴江南第一花舟中偶感云暮靄蒼茫兩岸收水
天雲影共悠悠可憐眉樣窓前月不照紅樓照客舟
詠物佳句寒雀云冷噪疎梅香尙早飢尋香稍倦還
飛寒犬云野店解迎曾送客竹籬冷護未關門橋影
云夕陽倒影虹腰側明鏡虛涵雁齒圓黃葉云孤村

蕭瑟餘金粉。古道荒涼。臘夕陽。皆能刻畫。采湘爲許。
礪卿茂才室。紅豆軒詞。亦秀婉。淒清。浣溪紗云。低掩
銀屏。護水仙。夜深明月到窗前。姮娥心事。沒人憐。欲
墮燈如紅豆小。未灰心。比綠梅酸。避愁不敢畫眉彎。
生查子云。借淚洗紅衫。遺恨填簫譜。舊地覺燈昏。花
蕊雙頭吐。難解可憐愁。無奈纏綿雨。不信自今宵。夢
向何方去。采湘與君蘭中表。君蘭爲趙秋舫進士女。
采湘爲進士女甥。進士最工詞曲。有香消酒醒詞行。
世君蘭曾受業於魏滋伯。廣文亦工詩詞。嘗與采湘。

月夜聯句云六曲屏山字跡殘蘭吟情如夢帶愁看湘

碧城有影瓊霄漢蘭紅淚無聲濕畫闌湘洛水神光

空綽約蘭嫦娥心事在團圓湘銷魂最是東風惡蘭

不管宵深翠袖寒湘

佩環曾以詩草一卷相示壬辰除夕同幼安小姑作

云爆竹聲催歲又除三冬未寄一行書那堪齊樹燕

雲隔遠足春回臘盡初佳節豈能心緒減流光轉覺

髮痕疏羨君瀟灑詩懷曠吟到消寒我不如七夕和

夫子韻云又傳靈鵲渡秋波辛苦年年此會何修到

雙星猶有恨人間莫怨別離多寄情如小姑云偶拋
針甫便攤書結習知君未盡除一管掃眉才子筆稱
名應號女相如寄聲芳大姊云一自江鄉久別君深
闔惟我歎離羣西冷何日重聯袂同向閒窓看夕曛
原註來詩云猶是 綵中附菊如豐玉兩妹送行詩云
凭闌看夕曛之句 閨樂能得幾時光何事催人送別忙弱質風塵猶未
慣一鞭驛路悵斜陽少小深閨共暖寒那堪相隔影
形單羨君挽鹿長安去及第花開指日看豐玉詩云
追隨官閣五年留此去燕都是壯游喜得封侯去將

貴疑粧不上翠樓頭節屆三冬增暮寒趨庭惆悵雁

行單

原註大姊在杭四姊又將歸省

和思兩地離愁切珍重傳來尺

素看

鴛湖陳靜宜綺餘室詩已錄於前卷不通音信已經

十稔去秋隨宦來晉並寄近年所作閱之覺慨愴愈

深時事使然耶如秋日觸物興懷感而有作十絕句

秋樹云百里嚴城一火攻蟲沙劫裏萬家空血痕猶

徧江干樹不獨霜楓別樣紅

原註滄洲爲賊屠戮幾盡

秋葵云香

色雖然未足誇生能向日自堪嘉不知帶甲人千萬

可有丹心似此花集中秋柳一律神韻獨絕錄一云
曉陌香車晚渡舟韶光旖旎憶前游春痕消盡江南
夢笛韻傳來塞北秋斷雁哀蟬隨處是澹烟疎雨耐
人愁西風不解相憐惜又送浮萍過遠洲乙卯仲冬
暫寓所親處丙辰正月復將去之并州卽事感懷三
章錄一云仁壽燕幽已戡兵駟車忽作晉中行身當
失意飄零慣地是殊鄉去就輕客旅無花濺別淚陽
關有曲奏離聲太行西望休愁險此日人心更不平
自題詩卷末句云青燈在憶兒時好逝水年華不倒

流讀之惺悲惻纏綿令人悽愴

靜宜寄示金陵王雲藍

瑞芬

寫韻樓詩鈔一卷筆情

蒼秀五律如巫峽道中云間說巫山到峯峯峭插天
江吞三峽水樹擁百蠻烟絕壁猿啼緊寒波雁影連
西風吹木葉客思倍悽然登黃鶴樓云鶴去樓空在
登臨萬景收山連荆口遠水帶洞庭秋烟樹千家暝
風帆積葉抽鄉關何處是東望思悠悠得蘭畹姊詩
札作此答之云客裏思君久書來已隔年慇懃懷遠
道鄭重寄新篇萬里情如見聯床夢不圓更聞家計

累展卷一潸然懷華雲妹云四載與君別相思深復
深洞庭烟水濶幽夢渺難尋秋色催征雁知音感素
琴獨餘江上月照取兩人心

桐鄉陸映樓

夢旌

州判憲曾女孝友柔和而體弱多

病適歸安馮麗泉大令壽金能得堂上歡琴瑟亦出
諸生二子而卒年未三十也詩不多作曾記其贈外
云沙漠宣威正此時丹青馳譽未爲奇可能上馬成
功業自寫斐烟閣上姿寄呈家大人云幼讀風詩陟
此篇今朝身歷倍情牽一言轉向雙親勸休爲思兒

損食眠病中云弱體未能勝井白慈恩何白報翁姑
對菊云閨友無多誰送酒秋容雖淡最宜詩即事云
親手澆花嫌婢嬾有心問字博親歡俱有眞率之致

右名媛詩話十五卷 先繼慈沈太恭人之所著也

太恭人幼秉異質博通書史旁及岐黃丹青星卜

之學無所不精而尤深於詩來歸 先大夫時 先

祖慈尙在堂承歡侍膳之餘不廢吟咏 先大夫通

籍後歷官中外公暇課 怡等詩賦 太恭人每從而

討論指示作法至今猶敬誌不忘 太恭人生平撰

著已付梓者有鴻雪樓詩集待刻者尙有詩話八續

若干種詩話之作蓋博採諸家記述益以郵和所至

訪輯成編並附載節烈事實海內名媛讀是編者知

必有中心嚮往者矣

光緒五年歲次己卯孟夏朔日

男女怡

牛良識